



Province of the
EASTERN CAPE
EDUCATION

**NATIONAL
SENIOR CERTIFICATE**

GRADE 12

SEPTEMBER 2010

**ISIXHOSA ULWIMI LOKUQALA OLONGEZELELWEYO –
IPHEPHA LOKUQALA**

AMANQAKU: 80

IXESHA: 2 iiyure



Olu viwo lunamaphepha ali – 10.

QAPHELA:

Eli phepha lahlulwe langamacandelo AMATHATHU ami ngolu hlobo:

ICANDELO A – UVAVANYO LOKUQONDA (30)

ICANDELO B – USHWANKATHELO (10)

ICANDELO C – UKUSETYENZISWA KOLWIMI (40)

1. Phendula YONKE imibuzo ngesiXhosa.
2. Qala iCandelo ngalinye ephepheni elitsha uze ukrwele umgca emva kweCandelo ngalinye.
3. Shiya umgca phakathi kweempendulo zakho.
4. Bhala ngokucekileyo nangokucacileyo zonke iimpendulo zakho unombola ngendlela esetyenziswe kwiphepha lemibuzo.
5. Nika ingqalelo eyodwa ku**PELO** nendlela owakha ngayo **IZIVAKALISI** zakho.

ICANDELO A: UVAVANYO LOKUQONDA

UMBUZO 1

Funda ezi zicatshulwa zilandelayo uze uphendule imibuzo. Umthamo wempendulo mawulawulwe linani lamanqaku.

ISICATSHULWA 1

AMANDLA OTSHINTSHO

ENYE IMFIHLELO EBOMINI KUKWAMKELA IINGUQU, NOKUBA ZINGAKUKHATHAZA KANGAKANANI NA EKUQALENI

1. Siphila kwihlabathi eliguqukayo. Izinto azihlali zingaguquki ixesh'elide. Izinto ezazingacingwa ukuba zingenzeke ngootat'omkhulu bethu, ziyenzeke kule mihla. Kodwa ke utshintsho yinto ekudala yabakhona.
2. Ihlabathi litshintsha mihla le. Ihlabathi lijikelez'ilanga, inyanga yona ijikelez'ihlabathi. Nehlabathi nalo liyajikeleza, yiloo nto sinemini nobusuku. Oko kuthetha ukuba kunzima ukuhlala endaweni enye. Nangona kunjalo abantu abaninzi abayithandi inguqu. Kaloku isenokubambi, ikuphathise ngestresi yaye ingakonwabisi. Kodwa ukuze usuke kwindawo okuyo noyithandayo uye kwengasentla kwayo ebomini, kufuneka ulwamkele utshintsho. Eny'ingqondi yathi ukuphambana kukwenza into ngendlel'anye kodwa ulindele iziphumo ezingafaniyo. Ngamanye amazwi xa ungazithandi iziphumo ozifumanayo, kufuneka wenze inguqu kwindlela owenza ngayo. Nkqu nokuba uyazifuman'iziphumo ezihle, ungazenza iinguqu ukuze ufuman'iziphumo ezihle, ungazenza iinguqu ukuze ufumane iziphumo ezihle nangakumbi.
3. Kukho indawo ethengisa iimoto eyayingaqhubi kakuhle. Kwaqeshwa umphathi omtsha, wafika wenza iinguqu. Engekaqeshwa iimoto ezininzi ezithengiswayo zazimiswa ngasemva kwesakhiwo zingamiswa kwindlu ezibonakala lula kuyo ebantwini. Wathi mazipakwe kuloo ndlu zibeninzi. Wathi isakhiwo masipeyintwe nomgangatho waso ucocwe. Wayekhokelelwa ukuba indawo ethengisa imoto kufuneka ibukeke ngokungathi iqhuba kakuhle ngokuba icoceke, ibe nomtsalane yaze izale iimoto.
4. Emva kwethutyana loo ndawo yayiyeyona ithengisa iimoto ezininzi ephondweni. Jong'iBhayibhile: yohlulwe yayiTestamente eNdala neNtsha. Kumawaka – waka eminyaka eyadlulayo, uThixo wasibekela imithetho nemiqathango esifanele siphile phantsi kwayo.
5. Kwakufanele sixhele izilwanyana ezithile senze neziny'izinto xa sidumis'uThixo okanye sifun'ukuxolelwa kwizono zethu. Kwakulungile ukunxulumana noThixo ngolo hlobo ngelo xesha. Kodwa kwafika ixesha lokuba uThixo atshintshe iindlela zakhe zokunxulumana nathi. Xa indlela yokuqala noThixo yayilungile, yayingenakutshintshwa.
6. Wawungacinga ukuba into esekwe nguThixo angaphinde yena ayibone ifanele ukuguqulwa? Qonda ke mlesi ukuba iindlela ebezisetyenziswa kwiminyaka edlulileyo azisasebenzi kule minyaka, kwaye ezisetyenziswa ngoku ziya kuba zingasasebenzi kwiminyak'ezayo.

7. Abantu abaphumelelayo ngabo bayamkelayo inguqu nabalaziyo ixesha lokuyeka iindlela ezindala ezingasebenziyo.
Umshumayeli othile wakhupha isibhengezo sendibano yokebisa abantu abatshatileyo ethembisa ngokufundisa amadoda indlela yokwenza amakhosikazi awo awaphathise okweekumkani. Iholo ekwakubanjwe kuyo loo ndibano yazala yema ngeembambo. Loo mshumayeli waxelel'amadoda ukuba: inkosikazi yakho ikuphathise okweekumkani, kufuneka nawe umphathise okweekumkanikazi!
Ngamanye amazwi wayesithi makatshintshe indlela aphethe ngayo amakhosikazi awo kuba akubona ukuba itshintshile nabo baza kutshintsha kwindlela abaphethe ngayo amadoda.
8. Kodwa kufuneka sikulumkele ukwenza iinguqu ngezizathu ezingalunganga. Ingaguquka indlela owenza ngayo izinto, kodwa mayingaguquki ingqiqo yakho. Abany'abantu bayitshintsha kaninzi kakhulu imisebenzi. Ufumana umntu uyeka umsebenzi wakhe engekawufumani omnye umsebenzi, ngaloo nto abeke esichengeni ubomi bakhe nobosapho lwakhe. Kubalulekile ukuzingisa entweni ungakhawulezi ukuyincama.

[BONA: Agasti 2009, Iphepha 107]

- 1.1 Yintoni eyona mfihlelo yempumelelo apha ebomini? (1)
- 1.2 Ingaba umntu ulwamkela xa kutheni utshintsho? (1)
- 1.3 Imnceda njani umntu into yokwamkela iinguqu? (1)
- 1.4 Yiyiphi le ndawo yathi yafumana iziphumo ezihle ngenxa yotshintsho? (1)
- 1.5 Ingaba yayilungile indlela uThixo awayenxulumana ngayo nabantu kudala? Ukuba uthi, Hayi xhasa impendulo yakho ngomzekelo. (1)
- 1.6 Ukuba eli shishini ibilishishini lokutya, wayezakutshintsha ntoni umphathi shishini ukubiza abathengi kwishishini lakhe, ukongeza kucoceko? Nika zibe MBINI. (2)
- 1.7 Ukuzalwa kukaYesu kukwiTestamente endala: Yinyani okanye Asiyonyani? (1)
- 1.8 Wacebisa ntoni umshumayeli kwabo babekho kwindibano? (1)
- 1.9 Yayiyintoni injongo yakhe ngeengcebiso zakhe? (1)
- 1.10 Yintoni le mayingaguquki xa usenza utshintsho? (1)
- 1.11 Nika isifanokuthi segama: 'ingqondi' (1)
- 1.12 Igama 'umlesi' unika yiphi intsingiselo kwesi sicutshulwa singentla? (12)
- 1.13 Kumhlathi wesine kwesi sicutshulwa kuthethwa ngokuxhelwa kwesilwanyana. Nika igama eliNYE kwaXhosa elithetha ngokuxhelwa kwesilwanyana xa kucelwa kungxengxezwa kwizinyanya. (1)
- 1.14 Yintoni eyenziwa ngabantu ebeka ubomi bosapho esichengeni? (1)
- 1.15 Igama u-okweekumkani kumhlathi wesixhenxe lenze msebenzi mni kwesi sivakalisi? (1)
- 1.16 Chonga igama kumhlathi wokugqibela kwisicutshulwa elithetha: Ukungayeki ukuzama xa ufuna ukuphumelela. (1)

1.17 Khetha iqumrhu libe liNYPE kula alandelayo elijongene nokunqanda ukuxhatshazwa kwabantu basetyhini emakhayeni abo.

- i) FAMSA
- ii) SANSA
- iii) NFAS


(1)

1.18 Utshintsho apha eMzantsi Afrika luze neendidi ngeendidi zenguqu ezitsho abemi beli bazive besoyika, belusola olu tshintsho ingakumbi xa bejunge ukukhula kobundlobongela: Nika izinto zibe MBINI ezingonobangela wolu loyiko ngokubhekisele kwimithetho ejongene namalungelo amabanjwa kweli.

(2)
[20]

ISICATSHULWA 2

IMPUMELELO



1. Ixhaphakile intetho ethi. “Impumelelo isezandleni zethu.” Le ntetho ithetha ukuba umntu uyayisebenzela into afuna ukuba yiyo. Into eqaphelekayo kukuba naluphi na udidi lwempumelelo aluzi lula. Impumelelo inamagingxigingxi ayo.
2. Thatha umntu ofuna ukuphumelela izifundo okanye ibanga elithile. Uncama ubuthongo afunde ngobusuku. Uyalulibala ulonwabo kuba efuna ukuqala ngokwenza umsebenzi wesikolo. Maxa wambi ancame ikhaya aye kuhlala komnye umzi kuba efuna ukusondela kufuphi nesikolo. Zonke ezi ziinzame zokuzuza impumelelo nokuba kuyakhithika, okanye ligqatse ubhobhoyi, maxa wambi kusiza isichotho, ukuba kufuneka aye esikolweni, udela iingubo enjenjeyaa ukuya kwiziko lokufunda. Mhla waphumelela bonke obu bunzima buba liphupha. Impumelelo ayifunyanwa lula iyasetyenzelwa.
3. La mazwi okuba impumelelo ayizi lula angangqinwa nangabanye abantu esibabona bephumelela bambi bengosomashishini abaziwayo. Xa unokubabuza ukuba baqala njani ungafumanisa ukuba abanye babo baqala bethengisa ezitalatweni bambi bethengisa emizini. Ngenxa yenzondelelo bagcina loo mali ingekhoyo bagqibela ngokuvula amashishini anamagama.
4. Into eqaphelekayo ngempumelelo kukuba ayosuleli. Ulutsha lunempazamo yokucinga ukuba impumelelo iyosulela. Xa kuphumelele abazali nalo lucinga ukuba luya kuphumelela. Akunjalo, kukaninzi sisiva amabali abantu abathi nangona babezalwa zizityebi bagqibela ngokuphelela ezitalatweni. Oku kubangelwa kukungazimiseli ukuzisebenzela ukuze umntu aphumelele. Impumelelo ifuna umntu onenzondelelo.

[IsiXhosa 2005: Isigaba 8, Iphepha 66]

- 1.2 1.2.1 Nika iinzame ezithi zenziwe ngumfundi ofuna ukuphumelela. (2)
- 1.2.2 Yiyiphi into ebonisa nengqina iziphumo zempumelelo xa ujonge kumfanekiso ongentla? (1)
- 1.2.3 Impumelelo ifunyanwa ngabantu abanjani? (1)
- 1.2.4 Uyinxulumanise nantoni umbhali indlela eya empumelelweni? (1)
- 1.2.5 Chonga igama kwisicatshulwa elithetha: Imvula efafazayo ekhatshwa ngumoya nengqele. (1)
- 1.2.6 Nika iintsingiselo eziMBINI ezahlukileyo zegama 'iziko'. (2)
- 1.2.7 Ingaba kweli xesha langoku usekhona umfundi ocinga ukuba impumelelo iyosulela? Ukuba uthi Ewe okanye Hayi xhasa impendulo yakho ngomzekelo. (2)
- [10]**

AMANQAKU ECANDELO A: 30

ICANDELO B: ISISHWANKATHELO**UMBUZO 2**

- Funda esi sicutshulwa singezantsi wandule ukusishwankathela ngamazwi akho ungadluli kumagama angama 50 – 60.
- Bhala inani lamagama ekupheleni kwesishwankathelo.
- Shwankathela ngezivakalisi ezipheleleyo.

Ulwabiwo lwamanqaku:

- Khupha iingongoma ezisixhenxe (7)
- Ukusebenzisa ulwimi oluchanekileyo (3)

Qaphela uza kohlwaywa xa ungayenzanga le miyalelo ingasentla.

UBUNDLOBONGELA:

Ingaba obu bundlobongela bungaka sibubonayo okanye sibuvayo kweli xesha siphila kulo bubangelwa yintoni na? Icacile into yokokuba asinakuba sinye isizathu esinokubangela le meko, ndaweni yoko zingaluthotho. Kucingeleka ukuba esona sizathu siphambili esenza ukuba abantu bavukelwe bubungonyama liphango elibangelwa kukunqaba kwemali okubangelwa kona kukunqongophala kwemisebenzi. Ngokweengxelo zophando kufumaniseka ukuba obona bundlobongela buninzi benzeke kwiindawo zabantu abahluphekayo. Nobo buthi benzeke kwiindawo ezihlala abantu abahluthayo sukuba busenziwa ngabantu abasweleyo. Bathi bakungabi - nandlela ilungileyo yokufumana izinto abazifunayo abantu kufuneke ukuba baxoze mphini wumbi. Buyavela 'ubulwanyana' bomntu bube yinkabankaba xa athe walamba esiswini. Akukho nto iyingozi njengomntu olambileyo kuba angenza nantoni na.

Utywala kunye nentsangu ziyakwazi ukuyithimba ingqondo yomntu azibone sele esenza izinto ezingamfanelanga. Abanye abantu baba nobubele obuninzi xa bathe badlula ebhotileni okanye ebhekileni kodwa abanye baphambana bathi ru. Umntu otshaye icuba labaThwa uyatshintsha apha emehlweni nalapha ebusweni abe 'bulwanyanarha'. Uyoyikeka xa umjongile kunjalonje akathethi kakhulu. Isibindi esilapho sesimnyama oku kwembiza yesiXhosa. Nantoni na usenokuyilindela emntwini oseleyo noyitshayileyo. Ukuqhekeka kwemitshato namakhaya kubangela ukuba abantwana bazibone benalo ithuba lokwenza unothanda.

Ukulamba nokungahoyeki kwabo kubangela ukuba bahambe bebhadula, bentlitheka, betyhobeka bade ekugqibeleni baqaqadeke. Imiboniso bhanyabhanya noomabonakude bayatyholwa njengezinye zezinto ezikhuthaza ubundlobongela. Uninzi lweefilimu eziboniswayo kule mihla lubandakanya ukubulala, ukuphanga, ukuphalala kwegazi kwanokubonakalisa ukungakhathali nokungabi nazintloni okumangalisayo.


Abanye abantu abafuni kusebenza nzima koko bafuna ukuzibona betyebile ngondlela-mfutshane. Badla ngokuyila amaqela obuhange baze bahambe bephanga, bexhomisa. Asikuko nokuba imisebenzi ayikho ntonje bona abafuni kuphangela kuba imali yempangelo iza nzima, kade. Ngokutshintsha kwamaxesha imbeko nentlonelo azisekho phakathi koluNtu.

[Iselwa Lesizwe: Ibanga 10, Iphepha 45.]

ICANDELO C: UKUSETYENZISWA KOLWIMI

UMBUZO 3

Fundisisa le ntetho yezi zithethi zingezantsi uze uphendule imibuzo elandelayo.



[Singcamla Inggaka: Isigaba 12, Iphepha 59]

- 3.1 Chonga isibanjalo esikwibhokisi yekuqala unike nodidi lwaso. (2)
 - 3.2 Igama u-'aba' okwibhokisi yesibini wenze msebenzi mni? (1)
 - 3.3 Tshintsha intetho ekwibhokisi yesithathu ibe kwixesha elizayo. (2)
 - 3.4 Chonga isihlomelo esikwibhokisi yokuqala unike nodidi lwaso. (2)
 - 3.5 Nika isichasi segama 'ngxama'. (1)
- [8]**

UMBUZO 4

Lungisa le ntetho ilandelayo ngokuthi ufakele izimamva kumagama akwizibiyeli ukuze anike intsingiselo eyiyo.

Wa (betha) ngamakhwenkwe aseTsomo kuba e (bona) neempahla ezibiweyo. Ityala la (beka) inyanga ezayo. La (xoxa) ityala enkundleni ephakamileyo eMonti kunyaka olandelayo.

[4]

UMBUZO 5

Fakela ezi zimaphambili zilandelayo kwizigaba zentetho ezikwizibiyeli ukuphuhlisa intsingiselo yezivakalisi.

Umzekelo: Wahamba waya (enda) akubonwa lisoka.
Wahamba waya kwenda akubonwa lisoka.

Ubu-; ub-; iin-; u(lu)-; isi-; in-

- 5.1 Unyana wakhe ufundela (umfundisi).
- 5.2 Bamcaphukisa wade wavela (-yena).
- 5.3 Izigebenga ziyabuthanda (-mnyama) xa zisenza ububi.
- 5.4 USipaji bamxhwitha (usiba) abafana bedolophu.

[4]

UMBUZO 6


Qwalasela ezi zivakalisi zilandelayo uze unike isizathu sokuba izibizo ezibhalwe ngqindilili zibe kwimo ezikuyo.

- 6.1 Abakhi bafika bakha **zindlela, zindlu, zibholorho** ngexesha elincinci.
- 6.2 Babengafuni **mntu** ubancedayo xa besenza into yabo.
- 6.3 **Sihlobo** simbi esi safika saphazamisa konke ekusele kwenziwe.

[3]

UMBUZO 7

Funda le ntetho ilandelayo uze uphendule imibuzo engezantsi.



Sii Jujuju! Ayageza amantombazana xa ebona abafana. Kuthi siba ezingqondweni zabo ukuba bayadlalwa noko bona bezithandela kubo. Abafana banentloni, kwaye abathandi ngokufanayo.

- 7.1 Nika intsingiselo enikwa ligama elibhalwe ngqindilili kwibhokisi engentla. (1)
- 7.2 Chonga isibanjalo unike nodidi lwaso kule ntetho ingentla. (1)
- 7.3 Sisetyenziswe njani isenzi u 'dlala' kwintetho engentla? (1)
- 7.4 Chonga isihlanganisi kule ntetho ingentla. (1)
- 7.5 Isifanekisozwi u 'siba' unika intsingiselo ni kwesivakalisi? (1)

[5]

UMBUZO 8

Nika igama endaweni yentethwana ebhalwe ngqindilili kulo mhlathi ungezantsi. Khetha kumagama owanikiweyo.

Ingqolosi; usoze; amasi; iqam; ithintitha; umkhuna; iyilo; inxili

Umphekoqo ovutyiswe **ngobisi oluvuthiweyo** sisidlo esibalulekileyo kwaNtu ungafika abantu abathanda oku kutya xa **bethetha bewaqhawu-qhawula amagama**. Xa kutyiwa esi sidlo kuhlaliwa **kwisitulo sodaka** ngabantu abangootata. Oomama bona bakhupha oozalipholile babo bemana bekhupha **icuba ezingxoweni zabo**.

[4]

UMBUZO 9

Lungisa iziphene kule ntetho ilandelayo.

Ubutyebi kuya kwabantu abazimiseleyo. Ngamanye amaxesha bayatyeba nabangamsebenzi kakuhle umsebenzi wabo. Abaxhosa ngabantu abasebenza nzima belima kodwa ungafika xa usiya etsomo ubona amasimi elele kungalinywanga nto. Iyamtyhafisa urhulumente le meko ngoba abaiboni lento izanywa ngurhulumente ngoba abayanga kaloku esigela.

[8]

UMBUZO 10

Tshatisa la maqhalo okanye izaci eziku **KHOLAM A** neentsingiselo zawo eziku **KHOLAM B**.

KHOLAM A		KHOLAM B
10.1	Inkundu nelanga	(i) Abantu abafana ngemikhwa.
10.2	Amangomso asesihogweni	(ii) Namhla ndim ngomso nguwe ungabokumhleka umntu xa esengxakini.
10.3	Ixesha lixhatshwe yinja.	(iii) Yenza into ngexesha unethuba sukuyibekela ixesha elizayo.
10.4	Umvundla uzek'indlela	(iv) Ithuba lokudlala liphelile.
		(v) Abantu abaninzi.

[4]

AMANQAKU ECANDELO C: 40

AMANQAKU EWONKE: 80